

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri.**

**Imm .02 Siulittaasup nalunaarutaa.**

**Aningaasaqarnermut tunngasut**

**Imm. 03 Balance-t.**

**Suliassat nalinginnaasut**

**Imm. 04 Meeqqat ukiortaarsiortinneqarnissaannut aningaasanik qinnuteqaat.**

**Imm. 05 Iivissanik aasaanerani assaasoqartalernissaanik siunnersuut.**

**Imm. 06 Avannarlerni puttasuliaqarfiit ilaneqarnissaannik siunnersuut.**

**Imm.07 Qipoqqaat pillugit tusarniut.**

**Paasissutissiissutit**

**Imm. 08 Inuusuttut ukiortaarsioqatigiisinneqarnissaannut aningaasanik qinnuteqaat.**

**Imm. 09 Nunaqarfiup kujasissortaani nunagissaanissamut isumaqatigiissut atsiugaq**

**Tamalaat.**



Ataatsimiinneq aallartippoq nal: 13:00

*Peqataasut:*

*Atassut*

Tønnes Kreutzmann  
Albrichtine Lyngø

*Siumut*

Barnabas Larsen

*Nalunaaruteqarlutik peqataanngitsut:*

*Nalunaaruteqaratik peqataanngitsut*



**Imm. 01 Oqaluuserisassat akuersissutigineri**

**Aalajangiineq**

Qipoqqaat pillugit tusarniut.

Immikkoortoq 7-mut ikkunneqarpoq.



**Imm. 02 Siulittaasup nalunaarutai.**

Ilanngussaq 1.  
Siulittaasup nalunaarutai.

**Aalajangiineq**

Tusaatissatut tiguneqarput.



**Imm. 03 Balance-t.**

Maleruagassatigut tunngavissat.

Karseqarnermut ilanngussaq 1.

Balance-t.

Karseqarnikkut Qeqqata Kommunia-ta maleruagassaa.

**Innersuussut**

Innersuussutigineqarpoq ilaasortanit tusaatitut tiguneqassasut.

**Aalajangiineq**

Februar 2016 naappat Balance-t ukiup naaneranoortut ataatsimiissutinut ilanngunneqassapput.



**Imm. 04. Meeqqat ukiortaarsiortinneqarnissaannut aningaasanik qinnuteqaat**

*J.nr: 59.03.03*

Tunuliaqutaq:

Allagaqarluni saaffiginnittoq Kangaamiuni Sunngiffimmi Pisortaq Anton Larsen. Oqaluuserisassatut Nunaqarfimmi aqutsisut siulittaasuanit Tønnes Kreutzmann-mit akuersissutigineqarpoq.

06/01-2016 ullulerlugu sunngiffimmi pisortap allakkatigut qinnuteqaateqarpoq meeqqat ukiortaarsiortinneqarnissaannut aningaasanik tapiiffigineqarnissamik, qinnuteqaatigineqartut annertussuseqarput 3.000,00 kr

Pissutsit atuuttut:

Ukiuni kingullerni taamatut aaqquissuussisarnerit Januarip naajartulernerani pisarput assullu meeqqanit nuannarineqartarlutik.

Ukiortaarsiortitsineq peqatigiiffiit ilaannik suleqateqarluni nammineq kajumissutsimik ingerlanneqartarput.

Aningaasaqarnikkut allaffissornikkullu kingunerisinnaasai.

Aningaasaqarnikkut allaffissornikkullu kingunerisinnaasai. Konto 1820603501 ulloq 11.01.2016 imaqarpoq 114.000,00 kroner.

Allaffeqarfiup naliliinera:

Allaffeqarfik isumaqarpoq suliniut pitsaasuusooq tapersorsorneqartariaqartorlu.

**Innersuussut:**

Allaffeqarfiup innersuussutigaa konto 1820603501 atorlugu tunineqarsinnaasut. Annertussusissaa ilaasortat oqallisigalugu aalajangissagaat allaffeqarfiup innersuussutigaa.

**Aalajangiineq**

2.000,00 kr tunineqarnissai aalajangiunneqarpoq.

Pisinalerunillu Rekvisition atorlugu pisiniartoqassasoq aalajangiunneqarluni.



**Imm. 05. Ilivissanik aasaanerani assaasoqartalernissaanik siunnersuut.**

*J.nr: 22.06*

Tunuliaqutaq:

Oqaluuserisassanngortitsivoq nunaqarfimmi aqutsisuni ilaasortaq Albrichtine Lyngé.

Siunnersuuteqarpoq iliveqarfimmi ilivissanik aasakkut assaasoqartalernissaanik. Siunnersuuteqarnermi tunngavilersuutigineqarpoq ukiuunerani nunap qerereerneragut assaanniartarneq sulisunut imaannaasanngimmat.

Pissutsit atuuttut:

Toqusoqartillugu vejformand sulisunilu iliveqarfimmi assaasarpuk kingullertigullu toqusoqarnerani unnuk tapullugu sulippuk nunallu qerinera pissutigalugu assaaniarneq ilungersunartoq vejformand-imit oqaatigineqarluni.

Massakkut iliveqarfik ulikkaalersoq oqaatigineqarpoq.

**Innersuussut:**

Allaffeqarfiup innersuussutigaa, ilaasortat oqallisigalugu aalajangiissasut.

**Aalajangiineq**

Suliaq annertunerusunngorlugu ingerlateqqinneqassaaq.

Ilagiit Sinniisaat peqatigalugit innuttaasunut oqallisissanngorlugu.

**Imm.06 Avannarlerni puttasuliat ilaneqarnissaannik siunnersuut.**

*J.nr. 24.01.03*

Tunuliaqutaq:

Oqaluuserisasannngortitsisoq nunaqarfimmi aqutsisuni ilaasortaq Barnabas Larsen. Siunnersuuteqarpoq aalisakkeriviup timaatungaatigut nutaanik tallittarfiliortoqassasoq. Siunnersuuteqarnermi tunngavilersuutigineqarpoq Sarfaq Ittuk tikikkaangat ilaasut ikaassorneqartarneranni puttasuliaq ulikkaaqqasarluinnarmat nutaaliornikkut umiatsiaaqqanik illikartitsisarneq pisariaarutissamat kiisalu pitsaanerusumik sullissisoqalernissaa anguneqas-salluni.

Pissutsit atuuttut:

Siusinnerusukkut niooqqaavik atorlugu ilaasut issorarneqarlutillu ikaassorneqartaraluarput. Niooqqaavimmi majuartarfiit saviminiusut pillugit Artic Umiaq Line namminneerluni ikaassuisarnermini puttasuliaq aalisakkeriviup timaaniittoq atortalernikuuaa. Pilersaarutaagaluarpoq puttasuliat kujallerpaat nutaanik taarserneqarpata taarsikkat pitsaanersior-lugit aalisakkeriviup timaani ullumikkut puttasuliat marlunnik ilaneqassasut.

Allaffeqarfiup naliliinera:

Allaffeqarfik isumaqarpoq puttasuliat pillugit pilersaarut utaqqissunneqassasoq.

Innersuussut:

Allaffeqarfiup innersuussutigaa, ilaasortat oqallisigalugu aalajangiissasut.

**Aalajangiineq**

Aaqqiissutaagallartutut puttasut nutaat ikkunneqareerpata puttasunut avannerlernut nuussinissaq siunniunneqarpoq.





## **Imm.07 Qipoqaat pillugit tusarniut.**

Maleruagassatigut tunngavissaq:

Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 12, 22. december 2014-imeersoq

§ 4, Imm. 3. Tikaagullimmik, arfivimmik aamma **qipoqqarmik** piniarnissamut akuersissutit tunniunneqartarput kommunalbestyrelsimut qinnuteqartoqareernerata kingorna nunaqarfinni siulersuisut aamma najukkami aalisartunut piniartunullu peqatigiiffik tusarniaavigereerlugit.  
*Imm. 4.* Kommunimi akuersissutit allagartallu agguanneqartut qinnuteqaatinit tiguneqarsimasunit ikinnerussagaluarpata arfernik angisuunik piniarnissamut agguassissoqassaaq tulleriarilluni, ukiumi siuliani pisarineqarsimasut kiisalu piniarsinnaanermut akuersissutit atorineqanngitsut eqqarsaatigalugit.

**2010-miit 2015** ilanngullugu kommunip iluani agguassinerit pillugit paasisutissat:

**2010-mi** pisassiissutit 3-it kommunemit imatut agguanneqarput:

Pisassat 2-t aqutsivik Sisimiut-nut

Pisassaq 1 aqutsivik Maniitsoq-mut

**2011-mi** pisassiissutit 3-it imatut agguanneqarput:

Pisassat 2-t aqutsivik Sisimiut-nut

pisassaq 1 aqutsivik Maniitsoq-mut

**2012-mi** pisassiissutit 3-t imatut agguanneqarput:

Aqutsivik Maniitsoq-mut 2-t

Aqutsivik Sisimiut-nut 1.

2012-imi Aqutsivik Maniitsoq-mut pisassiissutit 2-t angallatinut ukununga pisassiissutigineqarput:

Ataaseq piniatigiinnut Nathan Josefsen(Maniitsoq) aamma Kristoffer Jessen (Maniitsoq)

Ataaseq piniatigiinnut Jens Meeraq Lyberth(Kangaamiut) aamma Nathan Josefsen(Maniitsoq)

Aqutsivik Sisimiut-nut pisassiissutit ataaseq ukununga pisassiissutigineqarpoq:

”Angajungua aamma “Eli Fontaine”, piniartit annavaat / kivisivaat.

**2013-imi** pisassiissutit 3-t imatut agguanneqarput:

Sisimiut aqutsiveqarfianut marluk pisassiissutigineqarput. Akuersissummik kikkut tunineqarnissaat makitsinikkut aalajangiiffigineqartussanngorlugu.

Maniitsup aqutsiveqarfianut ataaseq pisassiissutigineqarpoq. Angallatit Kangaamiuni

angerlarsimaffeqartut piniatigiit GR 7-138 Inungasoq aamma GR 7-248 Ane-Marie

pisassinneqarlutik. Angallatilli aappaata ajoquteqalerneru pissutigalugu ukiakkut

aalajangiunneqarpoq pisassiissutit nuunneqassasoq. Nuussinermi pisassinneqarpoq GR 7-060 Palleg,

Maniitsumi angerlarsimaffeqartoq.

2013-imi Qeqqata Kommuniani qipoqaat marluk pisarineqarput aappaa Sisimiuni aappaalu

Maniitsumi.



**2014-mi** pisassiissutit 3-it imatut agguanneqarput:

Maniitsup aqutsiveqarfianut 2

Sisimiut aqutsiveqarfianut 1

2014-imi Qeqqata Kommuniani qipoqqaq ataaseq pisarineqarpoq. Pisaqartuuvoq Nathan Josefsen, Maniitsoq.

**2015-imi** pisassiissutit 3-it imatut agguanneqarput:

Maniitsup aqutsiveqarfianut 1

Sisimiut aqutsiveqarfianut 2

2015-imi Qeqqata Kommuniani qipoqqaat marluk (2) pisarineqarput. Ataaseq Maniitsumi atasaserlu Sisimiuni.

Maniitsumi pisaqartuuvoq: Kristoffer Jessen

### **Aalajangiineq**

Tusarniut akuersissutigineqarpoq.



**Imm.08 Paasissutissiissutit / Ilisimatitsissutit**

**Ilisimatitsissutit.**

1. Inuusuttut 09/01-2016 ukiortaarsioqatigiinniissaannut aningaasanik qinnuteqaaat.
2. Nunaqarfiup kujasissortaani qarmasissiat iluamik matoorneqarnissaannut suliap ingerlateqqinneqarnerani naammassineqarnissaa qulakkeerniarlugu sulisorineqartoq atsiortinneqarpoq.
3. Nunaqarfirmi aqutsisut ulloq 7/12/2015 ataatsimiinneranni imaqarniliaq.
4. Allaffiup pisortaata nalunaarutaa qaammat December 2015.

**Aalajangiineq**

Tusaatissatut tiguneqarput.



**Imm. 09 Tamalaat.**

T.Kr./ Angallannermut naalakkersuisumut angallanneq pillugu allagaqarpoq.

A.Lynge / Reno-mik tigummisut atortussaasiviata matua parnaarneqarneq ajortoq.



*Nunaqarfinmi aqutisut ileqqusumik ataatsimiinnerat.*  
*14. Januar 2016 - Nal:13:00*

Ataatsimiinneq naammasisvoq. Nal: 14:05

